

2. 100 100



Digitized by the Internet Archive
in 2017 with funding from
Getty Research Institute

<https://archive.org/details/pavlibelloniicpa00bell>

26

PAVLI BELLONI I.C.
PATRICII TICINENSIS

REGII MED. SENATORIS

Oratio

*Habita in Templo Mediol. maximo VII. Id. Iunij
Anni M. DC. XXI.*

IN FVNERE POTENTISSIMI PHILIPPI III.
Hispaniarum Regis verè Catholici.



MEDIOLANI,

Apud Pandulphum Malatestam Impressorem Regium Cam.
Superiorum permissu.

PAVLI BELLONII
FALLENSENSIS
RECTORIS

Oratio
Habita in Aula Universitatis Mediolani
anno M.D.C.LII.
IN PRAESENTIA POTENTISSIMI PHILIPPI III
Regis Castellae

Imprimatur.

F. Io. Baptista Spadius Vic. S. Inquisitionis Mediolani.

**F. A. Bariola Augustinianus Consultor S. Offitij pro Illustrissimo
D. Cardinali Archiep.**

Vidit Saccus pro Excellentissimo Senatu.

MEDIOLANI

Apud Ludolphum Bibliopolem in vicu S. Martini
Superiorum p. 17.

Illustriss.^{mo} & Excell.^{mo}

FERIÆ DVCI
MEDIOL. PROVINCIÆ
PRO REGI

Paulus Bellonus Senator fausta, & felicia
precatur.



Uemadmodum non fuit humanitatis tue & fidei, non grauitè casu, & occasu Regis nostri Philippi III. commoueri, ita prudentiæ est, quia mirum in modum polles, dolorem, quem accepisti, ferre moderatè atque existimare hunc & alios humanos casus virtute tua longè inferiores existere. Satis funeris mæstitia, coenotaphij pompa, alijsque argumentis indicasti accepti vulneris acerbicatem. Leuet nunc illam, omnemque prorsus ex animo deleat ægritudinem fortitudo tua, & Philippus IV. Rex, qui exoriens occidentis Regis iacturam egregiè pensat, si modo is occidit, qui ex tam alto imperij gradu, & fastigio ad superos, ut piè credimus, euolauit, sibi que religione & omnibus regijs virtutibus perpetuam in omnium animis vitam propagauit. Ceterum orationem hanc, quam penè in theatro totius orbis, ne dicam huius urbis, imperio tuo habui, quod detrectare neque infantie, neque valetudinis excusatione fas fuit, ita excipe, ut luce tua splendeat clarissima. Hæc atrata, & omnibus etiam feralibus destituta ornamentis ipsas cimmerias quærebat tenebras. Si paululum splendoris tui illi imperiueris, spes est fore, ut aduentitius eidem in natium migret, incultum dicendi genus, horrorem ipsum gratum efficiat, & pulcrum, plausumque illi conciliet, quem ab auctore desperat. Faxit Deus, ut nobis diu viuas incolumis. VII. Id. Iunij M. DC. XXI.

O R A T I O.



HORROR ille immensus, & improvisus, qui
 allato acerbissimo nuncio, proh dolor, mor-
 tis Philippi III. Austrij, Regis nostri Inui-
 sissimi, & ter maximi, cum orta comploratione,
 vndiq; omnia suspirijs, gemitibus, lamenta-
 tionibus, eiulatibusq; circumsonarēt, artus, sensusq; meos om-
 nes occupauit, & penè obstupefecit, eosdem perfudit hoc tem-
 pore, quo huc veni, atratosq; parietes, lugubria tecta, feralem
 hanc tabulatorum excelsam molem, tanquam quoddam Mau-
 soleum sepulcralibus micans facibus, omnes pulla veste squa-
 lentes, oculis madentibus, vix planctibus temperantes, oculis
 meis pariter lacrymarum vim maximam manantibus subieci.
 Dicturus ex vetere consuetudine de laudibus talis, & tanti
 Regis, quo periculosis temporibus, tanquam Atlante Cælū,
 vt in fabulis est, vniuersus Christianus Orbis verè nitebatur,
 quoque nemo propius ad priscos illos Reges accessit, qui pa-
 cis præclaris artibus, vitæ sanctitate, eximia in D.O.M. pie-
 rate, & religione excelluerunt, collata virium mearum im-
 becillitate cum rei magnitudine, vehementer equidem ani-
 mo commouebar, & perturbabar. Vnum in præsentia vestra,
 viri Principes, vtriusq; potestatis, clarissima lumina, Senatus,
 Magistratus, omnesq; quotquot adestis, qua dicentium studia
 niti solent, & recreari, collocandum esse mihi putabam sub-
 sidium. Verum enim verò funesta, & feralia omnia conspicio,
 illudq; prætereà mihi nunc potissimum aduersarium esse re
 ipsa experiens sentio, vndè certissimam opem mihi pollice-
 bar. Quo animo existimatis, me in dicendo futurum, cum
 vos omnes magnum in luctum, squaloremq; incidisse, dolo-
 remq; illum hausisse ex obitu tanti Regis videam, quem
 fortitudo vestra, omnibus nota, nequeat exhaurire? Fateor
 hac

hac in re non esse querendam fortitudinis laudem, summamq;
videri crudelitatem tanto casui non illacrymari. Verum vos
quæso, vt tandem mœrori modum statuatis, dùm Regi maxi-
mo, breui, & simplici laudatione iusta facio, pristinam constan-
tiam, grauitatemq; reuocetis, ac retineatis, meque res longè
supra vires molientem, ad spectu vestro iucundissimo subleue-
tis. Conuertatur igitur vox mea ad illius Regis laudes, cuius
oraculo tantùm illi tributum est auctoritatis, quantum Regijs
manibus parentanti opus fuit. Vtinam diuino numine ea nunc
mihi vis adflaretur, qua hoc munere, saltem aliqua in parte
pro dignitate fungi possem. Ecquis enim putet se posse oratio-
ne Regis nostri facta æquare, quibus ille omnem humanam su-
pergressus est conditionem?

Philippus III. Austrius Rex noster Potentissimus, cuius fu-
nus, exequiasq; maxima pompa celebrauimus, vbi primum li-
cuit (licuit autem ante annos) ijs patrijs institutis cœpit assue-
scere, ijsq; Regijs disciplinis, & virtutibus erudiri, & formari,
quibus quandoq; tantæ moli Imperij, quod vltimis terræ fini-
bustermiatur, se parem atque adeò superiorem præstare pos-
set. Cum assidue in maiorum vitas, tanquam in lucidissima spe-
cula intueretur, miro flagrabat ardore eorum vestigijs insisten-
di, qui Religionis cultu, & omni laudis genere immortalem sibi
nominis famam conciliauerant, quiq; longè, lateq; prolato Im-
perio, pulsas iniustis occupatoribus, ipsas Herculeas columnas,
vilissimos illius cancellos, & limites, quibus antea concludeba-
tur, reddiderant. Nullus vnquam fuit Rex, qui tot maiorum for-
tia, & præclara facinora, domi, militiaq; terra, mariq;, tam lon-
gam, & pulchram Principum, Regum, & Imperatorum seriem
proferre, & sibi ante oculos posset proponere, quorum dome-
sticis exemplis excitatus, nihil sibi ad summam contentionem
Immortalitatis consequendæ reliqui faceret. Mitto vetustiora

illa nobilium historicorum consignata monumentis, quæ nulla
vnquam delebit obliuio. Tace veteres illos VVerneros, Adal-
beros, Rodulphos, Cōrados, Albertos, Ernestos, Leopoldos,
Fridericos, & alios, quibus tanquam fulgentissimis syderibus
Austrium hoc Cælum collustratur. Ætas nostra, patrum, &
auorum nostrorum nonne Maximilianos, Rodulphos, Ferdi-
nandos in hoc veluti Imperatorum Seminario enumerare po-
test? Iactent igitur prisci illi Romani suos Iulios, Claudios, Li-
uios, & alios quotquot sanguine Illustres fuerunt. Iactent Lace-
demonij Heraclidarum gentis Nobilitatem. Arsacidarum
generis Parthi claritatem ostendent, nam in toto terrarum Or-
be nullus vnquam fuit nobilitatis splendor, qui huic Austrio
æquari possit: quem præterea Rex noster Caroli V. aui, & Phi-
lippi II. Patris fulgore cumulatam, ingentiq. sua virtute au-
ctum posteris, quibus ad omnem gloriam viam communiue-
rat, reliquit. Ec quis est in terris tam remotus locus, quem no-
minis sui fama gemini hi Heroes non compleuerint, qui ad
vium expriment Imperium Romuli, & Numæ, quorum ille
bello, hic pace rem Romanam auxit, & propagauit? Carolus
Auis Imperatoris omnibus virtutibus ornatus Pompeij, & Cæ-
saris, Philippus Pater Marci Aurelij, & Traiani laudes maiori
lumine penè obscurauit. In utroque præterea vberima virtu-
tum, tam pacis, quam belli sēges effloruit. Tali, tantaq. nobili-
tate conspicuus Philippus Princeps noster, virtutum omnium,
quæ longo tempore in illius animo coaluerant, septus comita-
tu, quem cohortem suam appellare consueuerat, anno post sa-
lutem restitutam MDXCVIII. cum ageret annum vigesi-
mum in celsissimo illo maiorum solio collocatus, omnibus sta-
tim ad benè de publicis, priuatisq. rebus sperandum signum su-
stulit, seq. tanquàm absolutissimum exemplar Regiæ Maiestatis,
& de cælo delapsum Regem præbuit. Ea erat corporis venu-
state,

state, & pulchritudine Rex noster, ut ipsis Gratiarum manibus factum videretur corpus, in quo tanquam in domicilio pulcherrimus animus habitaret. Emicabat ex eius adpectu veluti species ingenitæ virtutis. Inerat in vultu gravitas singulari condita humanitate, Regiaq. Maestas sibi sociam ita adsciuerat benignitatem, ut neq; hæc de illius auctoritate, neq; illa de istius benevolentia quidquam detraheret. Hæc erant Regni solida munimenta, quibus Rex noster insistere consueverat, Prompti adiutus, obuia comitas, Regia gravitas, diuina prudentia, summa Iustitia, singularis clementia, mira fortitudo, inaudita continentia, incredibilis erga suos omnes amor. Quamobrem nullus erat tam ferreo, & ab omni humanitate remoto ingenio, qui non illum summa veneratione, eximioq. amore prosequeretur. Diuini Platonis præclarum fuit dictum, virtutem specie sua, si oculis cerni posset, mirabiles sui amores in hominum animis excitaturam. Quotus quisque maiori erga Regem nostrum amore non flagitasset, si eius animum (is enim est quisque, non ea figura, quæ digito demonstratur) vidisset? Si regias illas virtutes, quarum luculentas significationes semper dedit, oculis potuisset subijcere? Præcipuè autem, tanquam Sirenum scopulos quicquid voluptatum blandissima titillatione, & illecebris corpus, animumq. oblectare, & delinire poterat, euitabat, ita, ut frenatis omnium voluptatum cupiditatibus in ipso adolescentie æstu, summaq. rerum omnium potestate, & licentia (ò rem mirandam, & planè diuinam) perpetuæ, singularisq. continentia, & animi moderationis laudem semper conseruaret. Verùm properat oratio mea ad illam virtutum omnium Principem, & reginam Religionem, quæ in Rege nostro semper ita usque à pueritia effulsit, ut in illius animo regiam suam collocasse, ceterisq. tanquam comitibus, & ministris virtutibus uti videretur. Nouerat optimè Rex noster, nulla re magis Regna, & Imperia,

peria, quàm Religionis cultu fulciri, & propagari. Neque verò huius rei Illustriora exempla, & argumēta aliundè, quàm ex domesticis maiorum annalibus suppetebant, qui genus Austrium ad hoc fastigium totius penè terrarū orbis Imperij ob Religionis cultum peruenisse contestatur. Quamobrem non verbis, sed vitæ exemplis se totum ad illam contulit, ardentissimoq. studio conseruandæ, & propagandæ Christianæ Religionis totidem annis continēter exarsit, & pro ea bella suscepit, quot regnavit, itaut Catholici cognomen per se mereri potuerit, quod à Recaredo, Alphonso, alijsq; maioribus habuit hæreditarium. Testis mihi sit imprimis huius rei præclara illa classis, quam viginti ab hinc annis, aduersus immanissimos Christiani nominis hostes Turcas, maximis sumptibus, magno vndiq; accito militum robore, comparauit. Volitabant toto mari Turcarum naues, Hispaniæ littora incursionibus, & latrocinijs infesta reddebant, raptos Christianos, infantes ipsos crudelissime à nutricum vberibus auulsos, & abstractos in seruitutem abducebāt, nihil iam tutum nobis erat rem maritimam publicè, vel priuatim obeuntibus, erāt Italiæ maria penè clausa, ita vt quicumque nauigaret mortis, vel seruitutis periculo se obijceret. Indignum id esse ratus Rex noster, quam potuit maxima classe, ad delendam illam Christiani nominis maculam Iuliam Cæsaream, vbi rapinæ, Christianiq; homines inter ergastula, & carenas, vix miseram, & precariam animam retinentes, asseruabantur, nauigauit; eo nimirum consilio, & proposito, vt capta vrbe ab illorum ceruicibus seruitutis iugum, imminensq; alijs periculum depelleret. Licèt autèm prudenti, & pio magnanimi & fortissimi Principis consilio felix non successerit euentus, (incerti enim sunt bellorum, & præsertim maritimorum exitus) tamen pulcherrimo incepto non destitit; nam tribus post annis instaurata classe eandem aggressus est prouinciam, in qua simili vsus fortuna, illud

tamen

tamen profecit, ut maris liberam, & tutam navigationem Christianis, sibi autem inuicti animi, diuinæq; voluntati acquiescentis, in quam curiosè inquirere non licet, laudem pareret immortalem. Fuit in Regis nostri potestate classem ædificare, & ornare, militum veteranorum robore firmare, nautarum, remigum, & omni tormentorum, & machinarum genere instruere, & munire, vnde funesti plumbei, ferreiq; globi, eluctantibus flammis, horrendo cum fragore emissi, hostium naues, & corpora fœdissimè disijcerent, & dilacerarent. At mari, ventis, seuis turbini-
 bus, tempestatibusque leges dare, id verò diuinæ fuit potestatis. Verùm nulla ventorum, nulla maris vis ardorem Regis nostri, cui maiorum, & propria virtus, Christiana q; religio pectus acribus stimulis perpetuò fodiebant, potuit extinguere. Quo magis maris æstus efferuescebat, eo magis, ad tam pium bellum Rex generosus inflammabatur; ac nisi minax, & seuus turbo, ab Aquilone aduersus Austrios ortus, qui tandem deronuit, impedimento fuisset, paratus erat tertio belli fortunam tentare, & si opus fuisset, regij proprii sanguinis liberali profusione Christolitare, vitamq; quam nunc naturæ reddidit, pro vitæ, & naturæ auctore profundere. Hoc pariter Regis nostri flagrantissimum studium proferendæ Catholicæ Religionis testatur Africa, quæ Barbarorum strata cadaueribus, eorundem impuro sanguine redundauit. In eam enim nō multis ab hinc annis Regia classis traiecit, eiusq; legens littora, & facta in terram excelsione, oppida quamplura Mauritanie extra Gaditanum fretum, Hispanicis obiecta littoribus, vnde tetra Maurorum colluies, & aliæ barbaræ gentes, & nationes in Christianorum perniciem inflammato studio rapiebantur, Regis nostri Imperio adiecit, vallo, propugnaculis, & omni belli apparatu aduersus hostium conatum, & impetum muniuit, & sepsit, illisq; ne in Hispaniam possent amplius irrumperere, viam obstruxit, quam nostris in omnes illius Regionis partes patefecit.

Illud

Illud prætereà egregium facinus, quod in ipsa Hispania patrauit Rex noster superioribus annis, omnium sæculorum, & gentium linguis celebrandum, luculentissimum est argumentum odij implacabilis aduersus hostes Christiani nominis, ardentissimæq; veluti sitis conseruandi candoris Christianæ Religionis, quam cum lacte suxerat, & pro qua sanguinem maiorum exemplo paratus semper fuit effundere. Mirabilem illam Maurorum eiectionem intelligo, quæ vna litterarum significatione penè temporis puncto cōtigit, cum iam penè in immensum alij alijs succreuissent, neq; vllis remedijs, quæ adhibita fuerant, ad sanitatem reduci possent. Immo verò latius in dies manante contagione, inita impiæ gentis contra Christianos conspiratio in maximam florētissimi Regni perniciem breui esset eruptura. Nullam existimauit Rex noster esse posse rerum humanarum societatem cum ea gente, cum qua rerum diuinarum summa esset distractio, Iouiniani q; exemplo noluit ihs, qui Christiani non essent, imperare. Maluit se, procures suos, & vniuersum Regnum ihs redditibus, qui ex gente illa vberrius percipiebantur, quàm Deum iusto, debitoq; cultu, quo nihil vnquàm habuit antiquius, fraudare. Potuit gentem illam vniuersam immanium flagitiorum, criminis læsæ suæ, & diuinæ Maiestatis compertam prorsus internecone delere. Sic Deus olim terrarum eluuione genus humanum, quod in omnia scelera, & flagitia præceps ruebat, ijs exceptis, quibus pietas profuit, vltus est vniuersum Verum eo, quod nonnullis fortassè non probabatur, abstinuit remedio, altero est vsus, vt totam illam pestiferam nationem, Hispania, & Regnis suis extrudendam, exterminandamq; mandaret: eodem nimirum pacto, quo in hominis corpore membra sanguine, & spiritu defecta refecantur, vbi periculum imminet, ne veluti pestilenti adflatu, & contagione cæteris partibus noceant. Inter cætera Cn. Pompeij decora illud celebra-

det
tur

tur, quòd Rempublicam Romanam seruili, & piratico bello liberauerit. Marij eximia est laus, quòd Patriam sæpenumero seruauerit, cui dum seipsum seruat, senili corpore Minturnensium paludes nobilitauit. Non minor est, immò maior Regis nostrilæus, qui ab vniuersi Christiani orbis ceruicibus, pulsa Maurorum gente, immanitate barbara, multitudine infinita, tam grande profligauit periculum. Quam deindè laudem, adiecta Imperio, & Catholicæ fidei maxima parte Indiarum, quæ obeuntem solem intuentur, quæq; maximis terrarum, & maris interuallis ab orbe nostro distitæ sunt, magis, magisque cumulauit. Nihil illi æquè cordi erat, quàm vt viros doctrinæ, & vitæ Innocentia insignes ad erudiendos populos illos noui orbis, veraq; religione imbuendos, ad quos neq; Romana, neque alterius gentis arma, & litteræ penetrauerant, mitteret, quorum præceptis, & vitæ exemplis expertus erat maiores in Catholica Religione progressus fieri, magisq; in officio homines illos, quos regio, & barbari ritus efferauerant contineri, & ad veri Dei cultum excitari, quam valida militum manu, omnibusq; copijs militaribus instructo exercitu. Et quamquam tot, tantisq; curis distinebatur, quot quantasq; tam longè, lateq; patens Imperium, tam diuersa, eaq; grauissima bella flagitabant, tamen Inuiçissimum Imperatorem Ferdinandum difficillimis hisce, & calamitosis temporibus domestico in bello crudeli, & periculoso ita iuuit exercitu, & pecunia, vt ille parua nonnullis abhinc mensibus gloriosissima victoria, non solum ex hostium faucibus pulcherrimum Boemiæ Regnum eripuerit, crudelissimoq; Tyrannidis iugo eius Regni, & aliarum prouinciarum incolas liberauerit, sed etiam ex futo ipso perduelle patrio, & auito dominatu, ad opprimendas belli reliquias se contulerit: quas faxit Deus, vt felicissimè persequatur, prorsusq; deleat, antequàm è latebris hostis ille emergat, suis afflictis copijs,

pijs nonnullorum animos ad misericordiam alliciat, sceleratq;
homines seditionis flabello Christi hostes, & perduelles con-
tra Romanum Imperium accendant vehementius. Mitto alia
infinita huius generis argumenta, quæ ostendunt Regem no-
strum, quemadmodum Augustiore potestate, maiestate, & Im-
perio cæteris regibus præfulsit, ita Religionis conseruandæ,
& amplificandæ flagrantissimo studio omnibus præstitisse, easq;
semper probitatis, & Christianæ pietatis significationes dedisse,
quarum non solum Hispania, magnificentissimis ornata tem-
plis ebore, auro, gemmarum vnionumq; miro contextu fulgen-
tibus, pijs regia stipe, & liberalitate collocupletata redditibus,
alijsq; luculentissimis non ad exigui temporis prædicationem,
sed ad memoriam sempiternam impressa vestigijs, verum, vt
verbo omnia complectar, testis est terrarum orbis vniuersus.
Quamobrem cum ita semper bellum susciperet, & gereret Rex
noster, vt pax ab eo quæsitæ videretur, omnesq; curas, & cogi-
tationes ad propagandâ, & conseruandâ Religionem, tanquàm
ad scopum collinear, totus in Dei cultu esset, factum est sin-
gulari Dei benignitate, vt summa semper pace, & tranquillitate
in Regno, quandiu illius clauum tenuit (rara in tanto Imperij
fastigio felicitate) frueretur, populos fidei suæ à Deo concredi-
tos obsequentes haberet, nullisq; in ipso Regno aduersæ for-
tunæ telis fuerit petitus, quæ alioquin non minus illius forti ani-
mo fuissent retusa, quam ingenti scopulo fluctus illi datur. Auxit
cum prætereà Deus, ob hanc causam prole illa trium Hero-
um, quæ dubijs Christianæ Reipublicæ temporibus subsidio,
quietis, & tranquillæ ornamento semper erit. Hanc ex Marga-
rita Austria, nulli Reginarum secunda suscepit, quàm meritò
vnicè semper dilexit, & cuius obitu incredibilem animo con-
traxit mærorem, florentissimaq; domus Regia fuit perculsa.
Hac vna retantam, quam dixi, Deus, temperauit felicitatem.

Porro

Porrò turæ, tranquillæquè huius pacis ea non levis causa fuit,
 quod Rex noster in ijs deligendis, quibus Regnorum, & Pro-
 uinciarum mandaret Gubernacula, nil præter splendorem na-
 talium, cognitam, probatamq. virtutem spectare consueuerat.
 Cuius rei non est, quòd longiùs petamus argumenta, cum præ-
 sentem intueamur Illustrissimum, & Excellentissimum Feriæ
 Ducem, quem ille nobis claro æquè genere, ac virtute Prin-
 cipem, summo cum Imperio voluit præesse. Cyri Persarum
 Regis vitam, & disciplinam non ad historiæ fidem, sed ad ef-
 figiem iusti Imperij, vt ait ille, scriptam, non ignoramus. At
 quicumque Philippi I I I. Regis nostri vitam litteris consecra-
 bunt (quæ autem erit, tam ingrata ætas, quæ illius laudes con-
 ticescet?) verè perfectum exemplar iustissimi Imperij omnibus
 proponent. Sed quod caput est, Persarum Rex Ethnicorum
 more laudatur; Hispaniarum Rex, verè Catholicus, Catholi-
 corum more omni tempore celebrabitur. Verum cum diui-
 næ illius essent virtutes, ideò post terrestria præmia, voluit
 eum Deus diuinis, vt auguratur animus, hoc tempore munera-
 ri. Terrestrem igitur, & caducam regiam coronam cælesti
 & immortalis Rex noster commutauit, promissamq. pijs creuit
 hæreditatem. Quod vt piè credamus, efficit trāfacta illius vita,
 quam eo fine conclusit, qui tali vitæ terrestri fuit consentaneus,
 & futuræ beatæ, & sempiternæ argumentū. Narrarem hoc loco
 Aud. quo pacto ex hac vita Rex immortalitate dignissimus
 migrauerit, nisi vereretur, ne hac commemoratione, tantum vul-
 nus, quod accepimus, recrudesceret. Dicerem imprimis eum
 vitæ futuræ, & beatoris cogitatione ità se animo semper com-
 parasse, quasi omni temporis puncto, ex hac præsentis, & omniū
 ærumnarum plena esset discedendum, eaq. viuētem appetiisse,
 quæ morienti essent desideranda. Recenserem accepisse me à
 grauissimis viris, qui Regis nostri, non solùm facta, sed etiam
 dicta

dicta meminissent, cum crebis solitum vſurpare sermonibus, neq. fas eſſe, neq. credendum, Chriſtianum hominem, qui ſibi alicuius noxæ eſſet conſcius, niſi prius ritu Eccleſiæ eam expiaſſet, ſordeſq. omnes prorſus eluiſſet, poſſe cubitum diſcedere. Vt maximè aiebat obrepit ſomnus, nonne hic tanquam furiarum tēdis ardentibus perterritus, & agitated identidem è ſomno excitabitur? Nonne mortem, cuius ille eſt imago, & ſimulacrum formidabit? O verè diuinam vocem! O pium, & Regium animi candorem! O chriſtianam Religionem omnibus ſeculis celebrandam! O Regem dignum, qui in animis mortalium, & in cætu illo immortalium, ſempiternis bonis affluente perpetuò viuat! Adderem illum multò magis in eandem incubuiſſe cogitationem, Eccleſiæ Sacramentis, pane illo cæleſti, maxima cum teſtificatione Chriſtianæ pietatis, ſe communiſſe, aduentante morte, quam cum breui futuram præſagiſſet, vocato ad ſe filio, cui Regni habenas erat traditurus, in maxima Hiſpaniæ procerum corona ea diſſeruit Rex noſter, tanquàm Deo plenus, de terreſtri hoc, & cæleſti Regno, ſumma ſemper conſtantia, nullo territus mortis metu, quibus tūc lacrymas ex eorū oculis expreſſit, tūc ardorem Chriſtianæ Religionis generoſis in peccatoribus vehementius inflammavit. Non ommitterem alia, quæ in ipſa morte dixerit, feceritq. Rex noſter, qui tandem interruptis, & morientibus vocibus, pacem Regno, ſibi peccatorum veniam implorans, tradito per nuncios Philippo IIII. filio tunc dolore abſenti Chriſti toto corpore ſanguinem manantis ſimulacro, quod ſemper præ manibus, tanquàm Regni gentilitium inſigne, hæreditariumq. ſceptrum habuit, illum Regem inauguravit, terreſtrisq. regni poſſeſſione illi ceſſit, vt ipſe cæleſte adipiſceretur. Verum ipſa horum omnium cogitatione dolorem renouari, lacrymaſq. toto ore manare ſentio. Cæleſtia igitur illa in templa, vt piè credimus, Philippus III. Rex abeunte

abeunte Martio, qui illo ineunte eger decubuerat, penetravit,
 prateruectusq. huius vitæ scopulos, placidissimo illo in portu
 nunc conquiescit. Quod si aliquid humanæ labis purgatorio
 igne adhuc luendum remanet, spes est fore, vt primo quoque
 tempore piorum precibus, tuis præsertim Illustrissime, & am-
 plissime Cardinalis, Federice Borromæe, horum Religiosissimo-
 rum Antistitum, gentilisq. tui Diui Caroli, quem ille summo
 semper cultu, & veneratione prosecutus est, expietur. Frenandæ
 igitur tandem lacrymæ, cohibendus dolor, non est ob Re-
 gis nostri mortem ingemiscendum, sed potius ob felicem ex hac
 mortalitate ad immortalitatem migrationem lætandum. Im-
 ploro Illustrissime, & Excellentissime Dux Feriæ hoc loco pru-
 dentiam, & fortitudinem tuam singularem, à qua pulcherrimè
 potes pellendi doloris remedia mutuari. Satis illi dedisti. Red-
 de iàm te nobis, & quemadmodum sol exoriens disiectis nebu-
 lis, splendore suo omnia complet, ita Excellentissime Princeps,
 discussa veluti mœstitiæ caligine, pristinam nobis restitue publi-
 cam hilaritatem. Accedit ingens doloris leniendi, seu potius læ-
 titiæ causa, nam (quod felix, faustum, fortunatumq. sit) rediuium
 Regem nostrum, Patrem, & Auum in Philippo IIII. contem-
 plamur, qui non solum Regnorum, sed etiam virtutum paterna-
 rum, & maiorum hæres extitit. Arescant lacrymæ exorto hoc
 nouo sole, quas alter occidens, cui Princeps, & moderator lumi-
 num nunquam occidit, elicuit. Regis nostri ardore efferue-
 scentis in maiorum imitatione exsiccetur humor, qui in genas iden-
 tidem illa bitur. Eorum est Heroum sanguis, qui in plures antea
 veluti deductus stirpes, rursus in hoc formando, iuncta Margari-
 ta Austria, Philippo IIII. in vnum coaluit. Ea est institutio, nam
 pueritiam, & adolescētiæ partem in cultu honestarum virtutum
 transegit, quarum veluti lampade magis decet Regem corusca-
 re, quàm purpuræ fulgore omnium oculos præstinguere. Ea In-
 dole

dole, immò verò ijs regijs virtutibus iam præditus est, vt credendum sit, eum maiorum laudes æquaturum, optimi Regis numeros omnes impleturum, nihilq; habiturum antiquius, quàm vt populos sibi à Deo commissos quàm maximè beatos faciat, Christianam Religionem toto pectore colat, illius hostes bello persequatur sempiterno. Imago vera est Patris, & Aui. Quos igitur corpore refert, & nomine, eosdem animo, & factis ad viuū exprimet. Nunc reliquum est, vt omnes votis ritè conceptis, & nuncupatis, Deum precemur, vt, quod cupimus, & speramus, diutissimè, & felicissimè regnet Rex noster Philippus IV. à quo non minora, quàm ab alijs regibus, à quibus maxima accepimus, bona nobis possumus iure polliceri. Cuius rei en nobis obsidum loco non solùm ea, quæ dixi, verùm etiam præclara, & felicissima Regni initia, & incunabula tantæ spei, Catholiciq; cognomini, quod Regibus nostris gloriosissimum semper fuit valdè consentanea. Sit penès Brutos tyrannidis vindicandæ laus propria, & perennis. Sit Fabiæ genti susceptum aduersus Veientes familiare bellum eximio decori, & ornamento. Deciorum deuota capita pro exercitus, & Reipublicæ salute inter illius familiæ fumosas imagines celebrentur. Sit penes Scipiones toties victæ pristina bella renouantis, & tandè deletæ Carthaginis Immortalis gloria. Sit demum aliud alijs gloriosum, & peculiare palmarium. Nàm Regibus nostris meritò tributum Catholici honorificum cognomentum omnia complectitur decora, & ornamenta. Quo cum dignissimum se iam præstiterit Philippus IV. iure possumus læta præfagitione, eorumq; bonorum denunciatione oblectari, quæ præsentia propediem nos maiore perfundent iucunditate.





CERRAN DELIN.

Bassani F.

